



Inatsisartuni ilaasortaq Ane Hansen
Inuit Ataqatigiit
/ Maani

Ineqarnermut tunngasut pillugit apeqqummut 28. september 2016-imeersumut akissuteqaat

Brevdato: 12-10-2016
Sags nr.2016 - 14714
Dok. nr. 13716582

Asasara Ane Hansen,

Sanaartornermut ineqarnermullu apeqqutinnut, suliassaqaarfik pillugu paasititsinissannut periarfissiisunut qujanaq.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

1. 2017-imiit 2020-mut katillugit ukiumut 700 mio.-koruunit sanaartornissanut aningaasaliissutaasartussaapput, naatsorsuutigineqarlunilu taakkunanga taamaallat inissiat ukiumut 50-it sanaartorneqarsinnaassasut. Aningaasaliissutit sinneruttut qanoq atorneqarnissaat naatsorsuutigineqarpa?

AKISSUT: 2016-imi ukiumut sanaartornissamut aningaasaliissutissat 685,5 mio. koruuniupput. Aningaasat taakku suliassaqaarfinnut tamanut, soorlu it-mut atortunut, sullissivinnut pisoqaanerusunut, nuna tamakkerlugu sullissivinnut, kommunini atuarfinnut, ilinniartit illutaannut, ilinniartunut inissiat illutaannut, kulturimut sullissiviit illutaannut, meeqqanut inuusuttunullu sullissivinnut, takornariaqaarnermi atortunut, peqqinnissaqaarfimmut, mittarfinnik misissueqqaarnermut, inissianut, umiarsualivinnut aamma Nukissiorfinnut atorneqartussaapput. Inatsisartut AI 2016-imi sanaartornermut sinaakkusiussanit tamar-miusunit aningaasarpassuarnik ineqarnermut salliutitsimapput. AI 2016-imit imatut immikkoortitsisoqarpoq:

Konto pingaarneq	AI 2016 (kr.)
87.72.22 Nunaqaarfinni isorliunerusunilu inissialortiternermut pilersaarut	26.500.000
87.72.23 Inissialortiternermut tapersiissutit, iluarsaassinissamut tapiissutit	10.000.000
89.72.11 Nammineq inissianik tapiissutitalimmik sanaartorneq	35.000.000
89.72.12 Inissialiassat taartissanillu inissialortiterneq	135.000.000
Katillugit	206.500.000

Kontomi pingaarnermi 87.72.22 Nunaqaarfinni isorliunerusunilu inissialortiternermut pilersaarut aamma 89.72.11 Nammineq inissianik tapiissutitalimmik sanaartorneq, aningaasaliissutit amerlanersaat nutaanik sanaartornermut atorneqassapput (sanaqateqarluni illuliat aamma kommunit illuliassaat). Taamatuttaaq kontomi pingaarnermi 89.72.11 Nammineq inissianik tapiissutitalimmik sanaartorneq, aningaasaliissutit amerlanersaat Namminersorlutik Oqartussat inuinnarnut, 20/20/60-imik taarsigassarsillutik nutaanik illulionniartunut taarsigassarsiarititatut atorneqassapput. Kisiannili aningasassarititaasut ilaat, kontomi pingaarnermi 87.72.23 Inissialortiternermut tapersiissutit, iluarsaassinis-

samut tapiissutit, aningaasassarititaasut assigalugit aamma inissianik iluarsaassinermut taarsigassarsiarititatut atorineqassapput.

Kontomi pingaarnermi 89.72.12 Inissialiassat taartissanillu inissialiortiterneq, nutaamik sanaartugassat isatigassallu, kiisalu immikkut ittumik iluarsaassassat aserfallatsaaliugassallu allassimapput. Sanaartugassanut sinaakkusiussat tamarmiusut isigalugit aningaasat, ukiumoortumik ineqarnermut immikkoortinneqartut amerlangaatsiarput. Kontomi pingaarnermi tassani suiassat ataasiakkaarlugit misissornerini suliassat 10-t illoqarfinnut assigiinngitsunut agguarlugit nutaamik sanaartugassaasut (pileraarusiorneq sananerlu) allassimapput. Tassalu 2016-imi sanaartugassanut nutaanut aningaasaliissutit 75,1 mio. koruuniupput.

Nutaanik sanaartornissap saniatigut inissiaatit pioreersut sumiginnaqqinneqannginnissaat, kiisannili akilersinnaaffiini suliareqqinneqartarnissaat aammalu inissiat inoqanngitsut pitsaannginnerpaallu isaterneqarnissaat Naalakkersuisunit pingaaruteqartutut isigineqarpoq.

Taamaattumik Naalakkersuisut ineqarnermut pileraarusiorput, illoqarfinnik inissiarsu-artalinnik sammisaqarfiusumik. Inissiat pitsaassusaat, inissianik piunasaqarneq kommunillu suliassaqarfimmut kissaataat tunngavigalugit illuutit suut iluarsaanneqassanersut aammalu isaterinissaq pisariaqartinneqarnerisq pillugu arlalinnik inassuteqaateqartoqassaaq. Aamma nutaanik sanaartornissamut inassuteqaateqartoqassaaq. Immikkoortumut pileraarut tamarmiusoq 2017-imi qaammatit pingasut siulliit ingerlanerini piariissaaq, taannalu ukiuni tulluuttuni iluarsaassinissamut, isaterinissamut nutaanillu sanaartornissamut tulleriarinerimut sakkussatut pingaaruteqassaaq.

2. Illoqarfinni nunaqarfinnilu sorlderni inissiat nutaaliassat sananeqarnissaat pileraarutigineqarpa?

AKISSUT: Maannarpiaq Sisimiuni nungusaataanngitsunik atortoqarluni inissialiassat 24-t pileraarusiorneqarput, 2016-ip naanerani neqerooruteqartitsivigineqartussatut pileraarutigineqarlutik. Tamatuma saniatigut Ilulissani illut uiguleriit atorsinnaasut 24-t pileraarusiorneqarput, 2018-imi neqerooruteqartitsivigineqartussatut pileraarutigineqarlutik.

Tamatuma saniatigut immikkoortumut pileraarutini najugaqarfiit nutaanik sanaartornissamik pisariaqartitsiviusut toqqartorneqassapput, tamatumunngalu ilaatigut pissutaapput

- Inissianik pisariaqartitsineq, ataatsimut isigalugit inissianik amigaateqartoqarmat
- Inissianik pisariaqartitsineq, inissianik nutaanngitsunik isaterisoqarmat aammalu inissianik nutaanik, taakkununga taartissanik sanaartornissaq pisariaqartinneqarmat.

3. Illoqarfinni nunaqarfinnilu sorlderni inissianik illunillu isaterinissaq naatsorsuutigineqarpa?

AKISSUT: Immikkoortumut pileraarutit tamarmiusut suli piariinngillat, taamaattumillu Naalakkersuisut takussutissiamik ataatsimoortumik saqqummiussisinaanngillat, kisan-nili AI 2016-imi kontop pingaarnerp 89.72.12 Inissialiassat taartissanillu inissialiortiterneq, ataani Qaqortumi, Narsami, Paamiuni, Nuummi, Maniitsumi, Sisimiuni Aasiannilu inissianik isaterisoqartussaasoq allassimavoq. Tassani pingaartumik inissiat, aserfallasimanertik pissutigalugu ukiuni arlalinni inoqarsimanngitsut pineqarput, sumiiffiillu ilaanni aamma innuttaasut ikilinerannik peqquteqarpoq.

4. Illoqarfinni nunaqarfinnilu inissiat illullu isaterneqartussat taartissaannik sanaartornissamut pilersaaruteqartoqarpa?

AKISSUT: Immikkoortumut pilersaarutini sumiiffinnut inissianik taartissanik sanaartornissaq pisariaqartitsiviusunut inassuteqartoqartoqassaaq.

5. Aasianni ukioq mannamiit inissiarsuarni najugallit arlallit allamik inissarsiussasut nalunaarfigineqarput inigisaasa isaterneqarnissaat pissutigalugu. Inissiarsuit qassit Aasianni isaterniarneqarpat?

AKISSUT: Aasianni immikkoortumik pilersaaruteqartoqarpoq, tassanilu B 164, B 163, B 162 aamma B 31, tamarmik inoqanngitsut isaterneqarnissaat inassutigineqarpoq. B 689, B 887, B 886, B 847, B 846 aamma B 831 aserfallassimapput, attartortunillu inuerutsinneqassapput kingusinnerusukkullu isaterneqassallutik.

6. Taakkulu taartissaannik sanaartortoqarnissaannik pilersaaruteqartoqarpa?

AKISSUT: 30.11.2015 aallarnerfigalugu Aasianni inissiat inoqanngitsut 55-iupput. Inissiat taakku ilaat oqoqarnertik pissutigalugu inoqanngillat aammalu allat attartortinniapiloorneqarnertik pissutigalugu inoqanngillat. Taamaattumik nutaanik sanaartornissamut inassuteqaateqarnissaq inissiat inoqanngitsut amerlassusaasa ineriartornerat tunngavigalugu naliliinissarpiaamut utaqqitinneqartariaqarpoq.

7. Illoqarfinni nunaqarfinnilu sorliit inissanik nutarterinissamik iluarsartuussinissamillu pilersaaruteqarfigineqarpat?

AKISSUT: Immikkoortumut pilersaarutini illoqarfinni tamani inissianik iluarsaassinissanik assigiinngitsunik annertussusilinnik inassuteqartoqarnissaa naatsorsuutigineqarpoq, taamaattoarli inissiarsuit pingaernerutinneqassallutik.

Naggasiutigalugu oqaatigissavara, Namminersorlutik Oqartussat inissiaataannit amerlasuut 60-ikkunni 70-ikkunnilu sanaajunerat ajornartorsiutaammat ilisimaneqartoq. Inissiat pisoqaapput, taakkunanngalu amerlasuut arlaleriarlutik iluarsaanneqartarsimagaluartut, arlallit sulii piffissamut naleqquttuunngillat. Allat iluarsaanneqartarsimangillat aserfallasimasorujussuullutillu. Inissiat taakku iluarsaannerinut aningaasarpassuarnik atuinissaq imminut akilersinnaassanngilaq – tassalu inissianik pitsaanngitsunik, piffissamut naleqqutinningsunik iluarsaassinissaq nutaanik sanaartornermi akiusut assingajaanik akeqarnissaa naatsorsuutigineqarsinnaavoq.

Aamma inissiani maanna pigineqartuni ingerlatsinermut aningaasartuutit qaffasinnerat, oqoqarnertillu pissutigalugu inoqanngittarnerat, taamaattumillu najugaqarfiiit aningaasqarnerannut artukkiisarnerat, taamaalillunilu ineqarnermut akiliutinut sunniuteqartarnerat ajornartorsiutaavoq. Taamaattumik piaartumik inissiat pitsaanngitsut akisuullu toqqartorneqarnissaat pingaaruteqarpoq, taamaalilluni inissiat ingerlanneqarnerat pitsaanerulersinnaaniassammat.

Immikkoortumut pilersaarutissat Naalakkersuisut Inatsisartullu ineqarnermut aningaasaliissutinik tullerilaarisarnerinut sakkussatut pitsaasuussasut Naalakkersuisut upperisoru

jussuaat. Kiisalu immikkoortumut pilersaarutit kommunit tusarniaassutigineqassap-
put, taamaalillunilu kommunit kissaatigisinnaasaat siunnersuutaallu
ilanggunneqassammata.

Inussiarnersumik inuulluaqqusillunga



Knud Kristiansen



28. september 2016

Inatsisartut suleriaasiat §37 naapertorlugu Naalakkersuisunut apeqquteqaat:

Apeqqutit:

- 1. 2017-imiit 2020-mut katillugit ukiumut 700 mio.-koruunit sanaartornissanut aningaasaliissutaasartussaapput, naatsorsuutigineqarlunilu taakkunanga taamaallat inissiat ukiumut 50-it sanaartorneqarsinnaassasut. Aningaasaliis-sutit sinneruttut qanoq atorineqarnissaat naatsorsuutigineqarpa?**
- 2. Illoqarfinni nunaqarfinnilu sorlarni inissiat nutaaliassat sananeqarnissaat pilersaarutigineqarpa?**
- 3. Illoqarfinni nunaqarfinnilu sorlarni inissianik illunillu isaterinissaq naatsorsuutigineqarpa?**
- 4. Illoqarfinni nunaqarfinnilu inissiat illullu isaterneqartussat taartissaannik sanaartornissamut pilersaaruteqartoqarpa?**
- 5. Aasianni ukioq mannamiit inissiarsuarni najugallit arlallit allamik inissarsiusasut nalunaarfigineqarput inigisaasa isaterneqarnissaat pissutigalugu. Inissarsuit qassit Aasianni isaterniarneqarpat?**
- 6. Taakkulu taartissaannik sanaartortoqarnissaannik pilersaaruteqartoqarpa?**
- 7. Illoqarfinni nunaqarfinnilu sorliit inissanik nutarterinissamik iluarsartuussinissamillu pilersaaruteqarfigineqarpat?**

(Ane Hansen, Inatsisartuni ilaasortaq, Inuit Ataqatigiit)

Tungavilesuut:

Naalakkersuisut siulittaasuata ammaalluni oqalugiarnermi ineqarneq sanaartornerlu pillugit oqaatigaa 2017-imiit 2020-mut katillugit ukiumut 700 mio.-koruunit missaaniittartussaasut, taakkualu inissialionermut, pisortat sullissiveqarfiinik ilinniartullu inissaannik sanaartornissamut atussasut oqaatigalugu, taakkunangalu taamaallat nutaanik inissialionermut ukiumut 50-it missaat naammassineqartassasut pilersaarutaasoq. Ilanngullugulu oqaatigalugu Namminersorlutik Oqartussat inissiaataasa iluarsartuunneqarnissaannut isaterneqarnissaannullu amerlanerusunik aningaasaliissuteqartoqassasooq siunnersuutigisimagitsik.

Oqaatigineqartut taakkua itisilerlugit ullut suliffiusut qulit iluanni nassuiaasoqarnissaa kissaati-gaara.